

adhuc miror, quod Arnoldus causas istorum errorum & dissensionum in Lutherum velit rejicere, cum omnino constet, detestanda Schwenckfeldii dogmata fuisse multis in locis, imprimis in Silesia, jam passim disseminata, quam ad Lutheri aures pervenerint. Bona intentio Schwenckfeldii, haeresin istius execrabilem minime excusat, possent enim hic omnes alii haeretici bonam intentionem ad defendendos errores in subsidium vocare.

§. VII. γ) *Facies istius temporis docet, Controversias cum Pontificiis praecipuum Reformationis opus spectasse, veritas enim ab insultibus Adversariorum ante omnia pie, sobrie ac prudenter erat vindicanda, a quo instituto si animum remississent Theologi, de omni Reformationis Lutheri fructu parum percepisse posteros credibile est.* Sane dissidia ac certamina ob indifferentisticum scriptum, *Interim vulgo nominatum, excitata, fatis docent, quantum nocuerit Ecclesiae segnior controversias cum Pontificiis tractandi modus.* Intempestivum igitur Arnoldi est judicium, quod jam adduximus: *Die Lehrer wären insgesammt zeitlich auff's Disputiren und Streiten verfallen, das viele Streiten mit den Papisten wäre dem Haupt-Werke binderlich gewesen.* Manifeste his omnibus intima sui cordis propalavit Arnoldus, quid de discrimine in religionis momento inter nos & Pontificios aestimare solitus sit. Plurimae, si non propemodum omnes, quae Luthero, & iis, qui ejus vestigia strenue prosecuti sunt, cum Pontificiis intercedunt, tanta necessitate ac utilitate se commendant, ut, unico Pontificiis concessso argumento, caetera quoque dilabantur & labefactentur, imo tota res in Syncretismum absorptivum resolvatur.

PRAEIVDICIVM XV.

A Zwinglio & Calvinio non fuisse impeditam.

§. I. Cum Fanatici & Indifferentiae omnes religiones

H 3

&